



## **Lutten.**

Lutten is 'n kern in de gemeente Hardenbarg in de Nederlandse previnsie Overiessel. Et is een streekdörp, ontstoane langs 't veurmalige kanaal de Dee'msvoart. De oorsprönkelike naame van 't dörp luudde dan ok "Lutten aan de Dedemsvaart". 't Dörp hef ruum 2100 inwoners.

### **Karakter van 't dörp.**

Luttn is van oorsprong (ca.1850) 'n veenkolonie. Lange doarveur vestig' n zich 'n zetje boern op 'n zaandrugge tussén de moerassen. ' Laand wöddn in kavels (lottn) tussen heur vedeeld. Die ligt in Old-Luttn net wat ten noordoosn van 't huudege dörp.

Noa de anleg van de Dee'msvóart en 't afgraa'm van de veneloage wöddn de grond geschikt emaaft veur kleinschoalege landbouw. Langs 't kanaal en de venewiek'ng wöddn boerderi'jchies en wonings ebouwd. De boern haddn meestal 'n gemengd bedrief, dat wil zeggen mit akker- en weidegrond. 'n Stuk of wat boern uut Groni'ng köchten wat grotere stukken grond. Umdasse völle eerappels verbouw'n, wödd' n in Luttn 'n eerappelmeelfebriek, "De Baanbreker" esticht. Langzamerhaand vestig'n zich middenstaanders in 't dörp en wöddn karken en skoelen ebouwd.

Ongeveer midden in het dörp begön'n ze in 1854 mit de bouw van de Nederlands Ervörmdde Karke. Jan van Loo bouw'n in 1857 hiervuur 't örgel, dat in 1858 in gebruik eneumen wöddn. (Kiek ok Youtube, Van Loo Orgel.

Op de begraafplase achter de karke stiet 'n beukeboom van meer dan 150 joar oald.

### **Verkeer en vervoer.**

Lutten was vanof 1897 an-esleuten op 't net van de Dee'msvoartse Stoomtram. Disse lien leup van Koevern noar Zwolle mit een oftakking noar Heemse. Lutten had ok 'n D.S.M.-tramstation. Later gunk de tramweg over in E.D.S. en wöddn noa doorlog in 1947/48 opeheven. Lutten was vanof toen op busvervoer an-ewezen.

### **Wark.**

De meeste Luttenaarn waren oorsprönkelik warkzoam in t boernbedrief en tiedens de "campagne" in de eerpelmeelfebriek. Noa de Tweede Wereldoorlog kwam der veraandering. De landbouw wöddn meer en meer mechaniseerd en de eerpelmeelfebriek gunk dichte. 't Kanaal wödden veur een groot gedeelte edempt en de meeste inwoners waren veur wark an ewezen op een bane buten de plaase.

### **Lutten now.**

De vroggere eerpelmeelfebriek stietter nog, maar vandage an de dag wödt 'r plastik buizen verhaandeld. De febriek het tegenwoordig "Wildkamp".

In 2004 speulen Ton Sijbrands hier 't wereldkampioenschap blind-simultaandammen.

De watertoren (gemeentelijk historisch monument) nemp n belangrieke plase in 't dörpsbeeld in.